

საჯარო სამართლის იურიდიული პირი

აჭარის სატყეო სააგენტო



გამარტივებული ელექტრონული ტენდერის საშუალებით

ეკოლოგიური განათლების ხელშეწყობა,

საჯარო ლექციებისა და სემინარების ორგანიზების

(CPV 79900000, CPV 79951000)

სახელმწიფო შესყიდვის

სატენდერო დოკუმენტაცია

გამარტივებული ელექტრონული ტენდერის საშუალებით წინამდებარე სატენდერო დოკუმენტაცია შედგენილია „სახელმწიფო შესყიდვის შესახებ“ საქართველოს კანონის, „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სსიპ „სახელმწიფო შესყიდვების სააგენტოს“ თავმჯდომარის 2011 წლის 07 აპრილის N9 ბრძანებით დამტკიცებული - გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის შესაბამისად.

ქ. ბათუმი

2016 წელი

1. ინსტრუქცია ტენდერში მონაწილეობისათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონისა და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულობა).

1.5 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად

1.6 პრედენდენტს არა აქვს უფლება წარმოადგინოს ალტერნატიული წინადადება.

2. ტექნიკური დოკუმენტაცია

2.1 შესყიდვის საგანი: ეკოლოგიური განათლების ხელშეწყობა, სატყეო სექტორთან დაკავშირებით საჯარო ლექციებისა და სემინარების ორგანიზება დანართი N1-ის შესაბამისად (CPV 79900000, CPV 79951000);

2.2 შესყიდვის სავარაუდო ღირებულება: 5000 ლარი;

2.3 მომსახურების მიწოდების ვადები და ადგილი: მიმწოდებელმა მომსახურების მიწოდება უნდა განახორციელოს დანართი N1-ის მიხედვით;

2.4 ლექციის წაკითხვა უნდა მოხდეს შესაბამისი განათლებისა და სპეციალობის მქონე პირების მიერ, რომელსაც უნდა გააჩნდეს სამეცნიერო ხარისხი ეკოლოგიური და სატყეო მიმართულებით და ლექციის ჩატარების გამოცდილება, რაც უნდა დასტურდებოდეს შესაბამისი დოკუმენტებით (დიპლომი, სერთიფიკატი და ა.შ.);

2.5 პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:

2.5.1 ინფორმაცია კომპანიის რეკვიზიტების შესახებ დანართი №2-ის შესაბამისად;

2.5.2 ფასების ცხრილი დანართი N1-ის მიხედვით.

შენიშვნა: იმ შემთხვევაში, თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველის მოთხოვნიდან არაუგვიანეს 3 (სამი) სამუშაო დღის ვადაში მიმწოდებელმა უნდა დაასაბუთოს ფასწარმოქმნის ადეკვატურობა. ფასწარმოქმნის ადეკვატურობა შესაძლებელია დასაბუთდეს ექსპერტიზის დასკვნით, შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებებით, ანგარიშფაქტურებით (ინვოისებით), რომელიც ადასტურებს დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას. იმ შემთხვევაში, თუ პრეტენდენტის მიერ არ იქნა წარმოდგენილი ან წარმოდგენილი დასაბუთება შემსყიდველის მიერ არ ჩაითვლება დამაკმაყოფილებლად, მოხდება პრეტენდენტის დისკვალიფიკაცია;

პრეტენდენტის მიერ წარმოდგენილი სატენდერო წინადადება და სატენდერო დოკუმენტაცია დამოწმებული უნდა იყოს უფლებამოსილი ან მისი ნდობით აღჭურვილი (სათანადო წესით დამოწმებული მინდობილობის საფუძველზე) პირის ხელმოწერითა და ბეჭდით;

2.6 ანგარიშსწორება მიმწოდებელთან განორციელდება ეტაპობრივად, დაბართი N1-ის მიხედვით მოწოდებული მომსახურების მიხედვით;

2.7 ანგარიშსწორება განხორციელდება დანართი N1-ის მიხედვით მოწოდებული მომსახურებაზე გაფორმებული მიღება-ჩაბარების აქტის და საგადასახადო ანგარიშ-ფაქტურის (დღგ-ს გადამხდელის შემთხვევაში) შესაბამისად, 10 (ათი) სამუშაო დღის ვადაში.

2.8 მომსახურების მოწოდებაზე კონტროლს შემსყიდველის მხრიდან განხორციელებს სსიპ - აჭარის

სატყეო სააგენტოს თანამშრომლები (აღნიშნული პირები დაზუსტდება ხელშეკრულების გაფორმების მომენტისათვის).

2.9 დამატებითი ინფორმაცია შეგიძლიათ მიიღოთ შემდეგი საკონტაქტო პირებისგან: სსიპ - აჭარის სატყეო სააგენტო. მისამართი: ქ.ბათუმი, ფრიდონ ხალვაშის გამზირი N51, ბელა დავითაძე, ტელ. 577 452090, ელ.ფოსტა: satyeosaagento1@gmail.com;

სახელმწიფო შესყიდვის შესახებ ხელშეკრულება №

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება ხელშეკრულების გაფორმების მომენტში:

ქ. ბათუმი

----- 2016 წელი

ხელშეკრულების დამდები მხარეები ერთი მხრივ, სსიპ - აჭარის სატყეო სააგენტო სააგენტო (შემდგომში „შემსყიდველი“) წარმოდგენილი უფროსის თემურ ყურუბაძის სახით და

მეორე მხრივ, ----- (შემდგომში „მიმწოდებელი“) წარმოდგენილი მისი ----- სახით,

„სახელმწიფო შესყიდვები შესახებ“ საქართველოს კანონის საფუძველზე, მიმწოდებლის მიერ სახელმწიფო შესყიდვების ერთიანი ელექტრონული სისტემის საშუალებით წარდგენილი სატენდერო წინადადებისა და გამარტივებული ელექტრონული ტენდერის (SPA-----) შედეგების გათვალისწინებით დებენ სახელმწიფო შესყიდვის შესახებ ხელშეკრულებას შემდეგზე:

2. ხელშეკრულების საგანი

2.1. შესყიდვის საგანი: ეკოლოგიური განათლების ხელშეწყობა, სატყეო სექტორთან დაკავშირებით საჯარო ლექციებისა და სემინარების ორგანიზება დანართი N1-ის შესაბამისად (CPV 79900000, CPV 79951000)

ზოგადი დებულებანი:

3.1. ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს:

ა) წინამდებარე ხელშეკრულება;

ბ) ტექნიკური დავალება;

გ) პრეტენდენტის მიერ წარმოდგენილი სატენდერო წინადადება და მასზე თანდართული ყველა სხვა საჭირო დოკუმენტი;

დ) ფასების ცხრილი (ხარჯთაღრიცხვა);

ე) ხელშეკრულების ყველა სხვა დანართი ან/და მასში შემდგომში შეტანილი ნებისმიერი

ცვლილება ან დამატება.

3.2. ნებისმიერი ოფიციალური შეტყობინება მხარეთა შორის უნდა ატარებდეს წერილობით ფორმას.

3.3. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, ამ თარიღიდან რომელიც უფრო გვიან დგება.

4. ხელშეკრულების ღირებულება

4.1. ხელშეკრულების ჯამური ღირებულება შეადგენს ----- ლარს.

4.2. ხელშეკრულების ჯამური ღირებულება მოიცავს მიმწოდებლის ყველა ხარჯს.

5. ანგარიშსწორების ფორმა და ვადები:

5.1 ანგარიშსწორება მიმწოდებელთან განხორციელდება ეტაპობრივად, დაბართი N1-ის მიხედვით მოწოდებული მომსახურების მიხედვით;

5.2 ანგარიშსწორება განხორციელდება დანართი N1-ის მიხედვით მოწოდებული მომსახურებაზე გაფორმებული მიღება-ჩაბარების აქტის და საგადასახადო ანგარიშ-ფაქტურის (დღგ-ს გადამხდელის შემთხვევაში) შესაბამისად, 10 (ათი) სამუშაო დღის ვადაში.

6. მომსახურების მიღება-ჩაბარების წესი

6.1. შესყიდვის ობიექტი (ან მისი ეტაპი) მიღებულად ჩაითვლება შესაბამისი მიღება-ჩაბარების აქტის საფუძველზე.

7. მომსახურების მოწოდების ადგილი და ვადა:

7.1 მომსახურების მოწოდების ვადები და ადგილი: მიმწოდებელმა მომსახურების მოწოდება უნდა განახორციელოს დანართი N1-ის მიხედვით;

8. საგარანტიო პირობები

8.1. მიმწოდებელი იძლევა გარანტიას, რომ მის მიერ მოწოდებული მომსახურება იქნება უნაკლო, და მოხმარებისთვის ვარგისი. წინააღმდეგ შემთხვევაში იგი ვალდებულია, საკუთარი სახსრებით თავად უზრუნველყოს აღმოჩენილი ნებისმიერი ხარვეზის (დეფექტის), ასევე უხარისხოდ განეული მომსახურების შედეგად გამოვლენილი ნებისმიერი სხვა ზიანის აღმოფხვრა ან/და შეცვლა ახლით.

9. მხარეთა უფლება-მოვალეობები

9.1. შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულების და ხარისხის ინსპექტირება.

9.2. შემსყიდველი ვალდებულია უზრუნველყოს მიღებული მომსახურების ღირებულების ანაზღაურება ხელშეკრულებით გათვალისწინებულ ვადებში.

9.3. მიმწოდებელი უფლებამოსილია მოსთხოვოს შემსყიდველს განუღებელი მომსახურების ღირებულების ანაზღაურება ხელშეკრულებით გათვალისწინებულ ვადებში.

9.4. მიმწოდებელი ვალდებულია ჯეროვნად და კეთილსინდისიერად შეასრულოს წინამდებარე ხელშეკრულებით განსაზღვრული ვალდებულებები.

10. ხელშეკრულების შესრულების კონტროლი

10.1. შემსყიდველი უფლებამოსილია ხელშეკრულების მიმდინარეობის ნებისმიერ ეტაპზე განახორციელოს კონტროლი (ინსპექტირება), რომლის მიზანია მოწოდებული მომსახურების შესაბამისობის დადგენა ხელშეკრულებით გათვალისწინებულ პირობებთან და დანართი N1-ით გათვალისწინებულ მომსახურების დასახელებასთან და მოცულობებთან.

10.2. ხელშეკრულების 9.1 პუნქტით გათვალისწინებულ კონტროლს (ინსპექტირებას) შემსყიდველის მხრიდან განახორციელებენ ტექნიკური ზედამხედველი და სსიპ - აჭარის სატყეო სააგენტოს თანამშრომლები (აღნიშნული პირი დაზუსტდება ხელშეკრულების გაფორმების მომენტისათვის).

10.4. ინსპექტირებისას გამოვლენილი ყველა შეუსაბამობა აისახება ინსპექტირების აქტში და მიმწოდებელს განესაზღვრება გონივრული ვადა მის აღმოსაფხვრელად. თუ განსაზღვრულ ვადაში მიმწოდებელი არ უზრუნველყოფს შეუსაბამობის აღმოფხვრას, ამოქმედდება წინამდებარე ხელშეკრულების მე-11 მუხლით განსაზღვრული პირგასამტეხლოს დარიცხვის მექანიზმი.

11. პირგასამტეხლო ხელშეკრულების პირობების შეუსრულებლობისათვის

11.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე სახელშეკრულებო ღირებულების 0,7%-ის ოდენობით.

11.2 იმ შემთხვევაში, თუ მხარისათვის დაკისრებული პირგასამტეხლოს თანხა გადააჭარბებს ხელშეკრულების ჯამური ღირებულების 5% (ხუთი), მეორე მხარე უფლებამოსილია ცალმხრივად შეწყვიტოს ხელშეკრულება.

11.3. პირგასამტეხლოს დაკისრება არ ათავისუფლებს მხარეს ძირითადი ვალდებულებების შესრულებისაგან.

12. ხელშეკრულებაში ცვლილებების შეტანა და ხელშეკრულების შეწყვეტა:

12.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

12.2. ხელშეკრულების პირობების, მათ შორის, ფასის გადასინჯვა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

12.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის (მათ შორის ვადების დარღვევის) შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

12.4 მხარე ვალდებულია არანაკლებ 5 (ხუთი) კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს 12.3 პუნქტით გათვალისწინებულ გადაწყვეტილების მიღების განზრახვის შესახებ

12.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

12.6. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის ხელშეკრულების შეწყვეტის შემთხვევაში მიმწოდებელს გარდა 11.1 პუნქტით განსაზღვრული პირგასამტეხლოს, ეკისრება პირგასამტეხლო ხელშეკრულების საერთო ღირებულების 5%-ის ოდენობით.

13. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

14. ფორს-მაჟორი

14.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

14.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათგან დამოუკიდებელ გარემოებებს, რომლებიც არ არის დაკავშირებული შემსყიდველის და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

14.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

15. ხელშეკრულების ენა

15.1. ხელშეკრულება და მასთან დაკავშირებული ყველა მოლაპარაკებები და სხვა დოკუმენტაცია, რომლებიც გაიცვლება მხარეთა შორის, ფორმდება ქართულ ენაზე.

16. სხვა პირობები

16.1 ხელშეკრულება შედგენილია 3 (სამი) ეგზემპლარად და თითოეულ მათგანს გააჩნია თანაბარი

იურიდიული ძალა;

16.2. ხელშეკრულების 1 (ერთი) ეგზემპლარი ინახება „მიმწოდებელთან“, ხოლო 2 (ორი) ეგზემპლარი „შემსყიდველთან“.

16.3. ხელშეკრულების ყველა დანართი წარმოადგენს მის განუყოფელ ნაწილს.

17. ხელშეკრულების მოქმედების ვადა:

17.1. ძალაში შედის ხელმოწერიდან და მოქმედებს 2016 წლის 31 დეკემბრის ჩათვლით.

17.2 წინამდებარე ხელშეკრულების მოქმედების ვადის ამოწურვა არ ათავისუფლებს მხარეებს ხელშეკრულებით გათვალისწინებული ვალდებულებების შესრულებისაგან.

18. ხარეთა რეკვიზიტები

შემსყიდველი

მიმწოდებელი

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშსწორების ანგარიში:

ანგარიშის ნომერი:

პრეტენდენტის ხელმოწერა -----

ბ.ა /ხელმოწერის სახელი, გვარი/